

Centos de narices de pallaso homenaxearon a Vidal Bolaño no Val Miñor.

Escrito por Redaccion @valminorinfo
Venres, 17 Maio 2013 23:04



-**Unha vida dramática**, o espectáculo teatral deseñado por Miguel Anxo Mouriño foi estreado nun abarrotado Auditorio Lois Tobío, na celebración do Día das Letras Galegas.

-Centos de narices vermellos simbolizaron a homenaxe do público ao gran dramaturgo que foi lembrado ao longo da obra e con pasaxes audiovisuais da súa pegada no cine e a televisión.

As localidades foron poucas para tantos narices. O público que en poucos minutos deixou pequenas as instalacións do Auditorio Lois Tobío de Gondomar, viviu unha verdadeira festa das táboas coa interpretación de **Unha vida dramática**, a obra guionada e deseñada polo mestre e escritor Miguel Anxo Mouriño, que unha vez máis foi o encargado de artellar a celebración central do Día das Letras Galegas. O enxeño de Mouriño non só obsequiou ao público coa obra, tamén achegou a cada asistente o mítico nariz de pallaso de Vidal Bolaño, que a xente luciu con humor e ledicia.

O acto estivo integrado na súa totalidade por persoas vinculadas ao mundo do teatro. [Os protagonistas do programa](#)

foron os diversos grupos que operan no Val Miñor (Vichelocrego, Bertorella, Tranghallada, Non si? Teatro e Escola de Teatro da OMIX) que aceptaron o reto de desenvolver integramente esta actividade dramática organizada polo IEM coa colaboración do Concello de Gondomar, especialmente do seu concelleiro de Cultura, Igancio Troncoso. A presentación do espectáculo correu a cargo de Lola Correa, directora da Escola de Teatro da OMIX de Gondomar.

Centos de narices de pallaso homenaxearon a Vidal Bolaño no Val Miñor.

Escrito por Redaccion @valminorinfo
Venres, 17 Maio 2013 23:04
